

二經同卷

相十

樓閣正法甘露鼓經

文殊師利問法經

佛說樓閣正法甘露鼓經

西天中印度憲彌國森寺三藏明教大師賜紫沙門日天息菴譯

如是我聞一時世尊在舍衛國祇樹給孤獨園爾時尊者阿難陀發誠諦心詣世尊所到佛所已用彼頭頂禮世尊足修敬畢已住立一頃爾時尊者阿難陀白世尊言云何種於清淨善根云何作曼拏羅云何歸依受持學處云何合十指掌恭敬如來成何善業世尊云何輪迴善根不滅云何業盡獲得涅槃作

如來像云何功德世尊告言阿難陀當於五德而淨修持又說以何等語發於自心發於他心復令賢聖得心歡喜善業巍巍所求皆得身謝命終生善逝天阿難陀若有發心爲於佛故伸乎供養作四方曼拏羅我說彼人當來之世於北俱盧洲爲富貴主身終之後

余時世尊告尊者阿難陀隨汝意知彼紅蓮華柔軟無垢無憂禡葉銅色微妙我舌如彼舒覆面門乃至髮際如汝所見阿難陀誰以妄語綺語惡口兩舌而能有此如來應正等覺語唯真實舌乃如是阿難陀若有歸命合掌頂禮於彼世尊如來應正等覺作此歸依

者彼之有情爲我救度何以故阿難陀如來法界而決定故若有誠心決定合掌禮拜及以布施阿難陀又復有人如洗其手及滌諸器同此少時發利生心願彼所有一切衆生悉得安樂阿難陀我說此人開於福門閉於惡趣得免三劫云何三劫謂刀兵劫疫病劫

相轉附二

二

飢餓劫阿難陀又若有人一日持此遠離殺

生之戒彼人不生刀兵劫中若以一訶梨勒布施衆僧彼人不生疫病之劫若以一盂飲食施於衆僧彼人當得不生飢餓之劫阿難陀有三善根無盡無邊處輪迴中亦不滅盡當趣涅槃阿難陀何等爲三謂於如來而種善根無盡無邊處輪迴中亦不滅盡終趣涅槃於法於僧而種善根亦無盡無邊處輪迴中亦不滅盡當來必得趣於涅槃

阿難陀南闍浮洲而汝且止阿難陀若有族姓男族姓女以七寶作東勝身洲四面周匝如半月形縱廣正等八千由旬布施供養四方衆僧及預流一來不還阿羅漢乃至緣覺等若有如來應正等覺般涅槃後用彼泥團作窣堵波大如阿摩勒果上安相輪大小如針覆以傘蓋由如棗葉中安佛像同彼麥粒下葬舍利如白芥子我說此福廣大而勝於彼阿難陀彼南闍浮洲東勝身洲而汝且止阿難陀若有信心族姓男族姓女以七寶作西牛貨洲如圓滿月縱廣正等九千由旬以此

相轉附三

三

布施供養四方衆僧及預流一來不還阿羅漢乃至緣覺若有如來應正等覺般涅槃後

用彼泥團作窣堵波如阿摩勒果相輪如針傘蓋如棗葉中安佛像同彼麥粒下葬舍利如白芥子我說此福而勝於彼

阿難陀彼南闍浮洲東勝身洲西牛貨洲而

汝且止阿難陀若有族姓男族姓女以七寶

作北俱盧洲四面方等各十千由旬以此供

養四方衆僧及預流一來不還阿羅漢乃至
緣覺若有如來應正等覺般涅槃後用彼泥團作窣堵波如阿摩勒果相輪如針傘蓋如

後用彼泥團作窣堵波如阿摩勒果種種莊嚴相輪傘蓋安佛像及葬舍利同前無異

我說此福廣大而勝於彼

何以故阿難陀如來施戒忍辱精進靜慮及一切智無量無邊乃至十力四智三不共法及四念處乃至大悲亦無量無邊蓋以如來

相
萬物

有如是功德故

阿難陀彼四大洲而汝且止若有族姓男族姓女以七寶作帝釋天主善法之堂布施供養四方衆僧及於預流一來不還阿羅漢乃至緣覺若有如來應正等覺般涅槃後用彼泥團作窣堵波如阿摩勒果種種莊嚴相輪

傘蓋作佛形像及葬舍利同前無異我說此福廣大而勝於彼

阿難陀彼之四洲及善法堂而汝且止阿難陀若有信心族姓男族姓女乃至以彼七寶作三千大千世界布施供養四方衆僧及於四果乃至緣覺若有如來應正等覺般涅槃

後用彼泥團作窣堵波如阿摩勒果種種莊嚴相輪傘蓋安佛像及葬舍利同前無異

我說此福廣大而勝於彼

何以故阿難陀如來施戒忍辱精進靜慮及一切智無量無邊乃至十力四智三不共法及四念處乃至大悲亦無量無邊蓋以如來

。

阿難陀如來應正等覺說是法時三千大千世界周徧震動爾時尊者阿難陀白佛言世尊今此正法當云何名云何受持佛告阿難陀此經名正法甘露藏亦名未曾有正法如是受持尔時尊者阿難陀以希有心承佛聖

旨信受奉行頂禮而退

佛說樓閣正法甘露鼓經

佛說大乘善見變化文殊師利問法經

西天中印度惹爛跋國空林等三藏明義師釋紫沙門口意婆羅譯

如是我聞一時世尊在王舍城鷲峯山中與大比丘衆并大菩薩文殊師利等大衆圍遶。余時佛告文殊師利童子言佛子我今爲諸衆生於四聖諦心生顛倒恒處輪迴不能免離說此真實四聖諦法文殊師利白佛言世尊如來應正等覺云何因緣而諸衆生不能遠離如是虛妄輪迴之中不覺不知佛言文殊師利我見衆生受如是虛妄輪迴何以故善男子皆因無始已來妄生計執分別彼我文殊師利以是因緣受此愚癡業報虛妄輪迴何以故是諸愚癡衆生不聞不知最上一切寂靜法故不自思惟警悟三業恣身口意

相文殊向法

五

造衆煩惱我貪我瞋我癡等我今於彼如來法中得此出家受清淨戒修持淨行遠離輪迴得涅槃道解脫苦輪復自思惟此煩惱性即善法故即有漏法故即無漏法故即輪迴定法即觀法圓滿智即觀苦集滅決定道乃至決定法界故又復思惟一切行虛假故一切行苦惱故一切行即無相故我若得此即能遠離一切虛假得隨意生若觀我見不離道諦即得彼法所作隨意復於彼法憶念無惑於一切法心無差別能如是知即得遠離不信疑惑毀謗讚歎得此解脫一切我苦我於是時無有少分而難作者若阿羅漢能知此我彼臨命終時自見所生棄捨本心得佛菩提隨意所樂自在而往即得至於無爲界故彼得此苦智法智若了知我集一切法生不信心疑惑誹謗種種怖畏若不信此法盡此集故彼作是思惟決定滅諦彼復思惟此